

疆

村

丛

书

禮

村

叢

書

漢泉樂府目錄

滿江紅

水龍吟

如夢令二

醉江月二

滿江紅

水調歌頭

水龍吟

水調歌頭

摸魚子

水調歌頭

南鄉子二

鵲橋仙

臨江仙二

浣谿沙二

木蘭花慢

沁園春

八聲甘州

水龍吟

木蘭花慢

清平樂二

西江月

鵲橋仙

齊天樂

沁園春

鷓鴣天

減字木蘭花

糖多令

鷓鴣天

鵲橋仙

漢泉樂府

碭山曹伯啟 士開

滿江紅 次元復初韻

四十年閒問何似古人方略時自笑致身無策療貧無
藥世事從來如意少宦情已比當年薄更不須勦業鏡
中看今非昨眠矮榻登高閣攜短杖矧長杓放屈伸
由已碧空盤鶚較短量長無定論抗塵走俗非真樂算
從前有鐵鑄難成求人錯

水龍吟 用楊修甫學士登岳陽樓韻

岳陽西望荊州倚樓曾爲思劉表國亡家破當時豪俊
魚沈雁渺王霸紛更乾坤搖蕩廢興難曉記觀山縱酒

巡檐索句宿官舫篷窗小 不畏黑風白浪伴一點殘
燈斜照棹歌明發天光無際得舒晴眺萬里馳驅千年
陳迹數聲悲嘯試閒中想像興來陶寫付時人笑

如夢令贈道夫二首

學有探奇索妙命有人憎鬼笑難與老天爭寂寞漢陵
周廟權要權要林樾有人清嘯

又

榮悴本來何處看取岸花汀樹醉眼眩青紅欲問真源
無路歸去歸去風外數聲齊女

酹江月次王君陽李敏之過龍門韻

洪崖中斷似蜃樓幻出層檐疊脊欲問真源凌絕頂安

得乘風羽翮勢利相忘驅馳不憚面背皆京國源泉混
漚恍如夾右碣石遙想巢父襟懷東溟煙霧裏片帆
如席逸氣崢嶸今老矣惆悵劍門千尺細草平沙敝裘
羸馬長路無人識家山回首不應猶作行客

又用子周僉司詠雪韻

六花淩亂算神工不用并州刀翦乍密還疏斜復整眼
底萬更千變宿麥連雲遺蝗入地四海愁顏展呼童洗
酌更宜簾幙高捲還念去歲無聊來秋有望仰戴天
行健江上漁人應笑我世路縈迴如篆何日言歸此心
無競茅屋臨清淺滿懷春意坐令寒谷生暖
滿江紅次白君舉州倅所寄韻君舉三十年前友屢示

佳製讀之令人起敬比以簿書倥傯不遑酬答
聞改除天台恐因得簪盍於惠泉之側用以敘

懷

壯歲分攜凝望眼略無虛日嗟我輩江南江北爲誰形
役自愧散材非管鮑遙憐老友真元白況文章之外有
良能安民策談笑興浮雲隔離別恨流年逼試賡歌
雅韻不論呼吸百粵谿山應好在半生萍梗無終畢
流行坎止任天公吾難必

水調歌頭次復初韻

山林隱君子無意事王侯天戈一日南指多少賈胡留
不效熊舒龜息卻羨蠅頭蝸角我亦滯南州十載厭奔

走贏得雪飛頭 苦思歸歸未得恨悠悠
悠悠身世何物野渡一橫舟
用舍隨時無定得失於人有命誰解曲
如鉤兀坐閱今昔風露一天秋

水龍吟

用史藥房韻

忽忽沙際春歸草如綬帶交加翠白雲縹緲四年相望
季鷹歸未拘束微官踉蹌俗狀較人間氣想顛鸞倒鳳
天公不管誰會□空中意自要看時撥置問誰家小
欄堪倚雲閒公子爲誰邀致愁懷一洗紅玉擎杯朱絃
理調偶然成醉又門前俗事催人上馬不堪凝睇
水調歌頭

用崔子由韻

攀鱗年少志未要歎羲娥人生滄海一粟何在雨飛梭

多事蜂衙蟻穴十載蝸蟠蝟縮勲業任蹉跎觸目世塗
險舉步強顏多誓從今陶穎事罷研磨丈夫功名談
笑一曲飯牛歌盡道權門炙手自是臣心如水犯露肯
相過袖手待眞賞未及鬢生皤

摸魚子用蔣莊韻

悵人生百年如寄虛舟滄海難艤是非榮辱雲千變光
景算能消幾塵世裏恥婢膝奴顏不覺長歛矣憑誰薦
起望幾處侯門要開懷抱將進又還止凝眸處往往
修程萬里飛黃跛鼈相比酣歌點檢平生事惟恐老之
將至鎗有耳況識字能言莫負天公意文章信美旣不
用毛錐寸長無有尋我泮池水

水調歌頭和盧仲敬太守

嘗爲武林客歡洽快平生誰知分袂江許西往復東行
今日簿書旁午明日山川迢遞愁恨幾時清回首舊遊
地天遠暮雲平鬢雙蟠腸百結意何成多應故山猿
鶴笑我尙爭名儘自轟轟烈烈到底休休莫莫何處覓
卿卿夢寐想歸路濡筆寫心聲

南鄉子二闕四川道中作

蜀道古來難數日驅馳興已闌石棧天梯三百尺危欄
應被旁人畫裏看兩握不曾乾俯瞰飛流過石灘到
晚纔知身是我平安孤館青燈夜更寒

又

十月出秦關竟日悠悠杳靄閒直到蠶魚開國地躋攀
行盡千山復萬山歸轡動歡顏江路梅花笑往還稚
子候門何日到癡頑好把虛名付等閒
鵲橋仙舟行辰沅江中小詞數闕呈建中御史
杜鵑聲訴鷓鴣聲助催上黔陽歸路輕舟短棹泛滄浪
沾兩袖夜郎煙霧雲山如暮灘流如怒石齒巘然無
數天涯愁緒不堪論這光景能消幾度

臨江仙

水出五谿成一派滔滔日夜東流倦乘鞍馬卻乘舟向
來危處怯此去險中愁伊軋數聲離岸艣異鄉身世
悠悠暫教杯酒放眉頭癡兒官事了聊作子長遊

又

夾觴聲喧鵝鵲中流石散牛羊岸邊茅屋伴戎羌淡煙
籠寂寞微雨助淒涼 吟麥綠山慘綠巖花落水流香
離騷記誦不成章殷勤蘭與芷千古爲誰芳

浣谿沙

世態紛紛幾變更天南地北只虛名一簪華髮可憐生
旅食驚心三月到浪花吹面一舟輕中宵屈指計歸程

又

解纜西南杳靄閒萬重煙水閒雲山觴聲搖蕩五谿蠻
世路看來行欲徧頭顱到此合知還從今猶得十年

閒

木蘭花慢壽郝仲明

益都人

論寰中英氣人盡說古青州看東坼滄溟西瞻泰岳南
控營北千古能稱管晏道而今人物更風流磊落曝書
公子從前從事公侯勲名初不願依劉耿耿運良籌
聽萬里揄揚一門冠蓋三世箕裘屈指瓜期已近願平
生相遇盡卿儔好記壽觴先舉蓴鱸江上新秋

沁園春

和復初省郎韻紀仲春陪諸名勝遊西山

同行都省

揀元明善復初行省揀尉遲
亨亨甫福建同提舉毛吉甫

山色湖光宜雨宜晴春來惱人笑勞生強半登臨有興
身司筦庫所向無親馬服車轅鴈隼絛也算人閒一

度春情無賴怕岸花汀草彈指成塵
朋簪契我天君
更不管長鬚喜與瞋任把酒論文且行且止幙天席地
誰主誰賓敬德猖狂春陵笑傲延壽丹青畫不真歸鞍
好向梅山東下數點行雲
八聲甘州和鄭澤民
算人生南北何如彷彿過青春似斷蓬飛絮平生懷
抱何處通津歡逢故山佳友終日藉陶薰芥蒂淨如此
咸與維新
男子十年勲業漫無成一事負卻晨昏使
功名都了轉首是非塵又滯此蠅營狗苟料山英也笑
趁墟人誰相約重尋故步經理遺文
水龍吟再和修甫學士
山平林秀
風歸蕭爽

高樓壯觀東南迥然突出干林表月檐明爛風櫺蕭爽
煙波浩渺菊徑新秋柳谿薄暮桃源清曉口登臨感慨
悠然引興銀盤內青螺小自念當時行役顧菱花不
堪頻照江山如故中原在眼幾番危眺浩浩洪流茫茫
塵世儘堪吟嘯但優游老景浮沈里閑任邦人笑
木蘭花慢和史顯甫左丞韻略頌平日所長兼道此年

區區之懷老疾互攻恐無佳思祈相望一笑

羨紫芝眉宇正臺閣濟時人況公是公非知常知變樂
道安貧案前簿書旁午抱丹誠一點伴青春偶遇科條
隱密不辭辨雪殷勤日德星今日是鄉鄰癯老阻蹕輪
喜陸地神仙山中宰相詞語清新河濱預沽佳釀待幽

花相對樂情真幸有清風皓月何須翠袖紅巾
清平樂寄徐都司

昨朝鷹諾世事真難託旅舍淙淙冬雨惡怎地觥籌交
錯天東籬尚有花叢他時不避慳風傳語徐卿三子佳
懷足慰衰翁

又寄復初省郎兼簡希孟文友

情懷渺渺客舍天將曉百慮攻心渾未了不似漫郎多
少人生傀儡棚中此行那計西東指日雲泥超異重
占口角春風

西江月西京客中用壽卿路教和雪庵居士并贈趙李

二君子詞韻